



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

Luxemburgi, 1748

CCXXIX. Condemnatio Societatis, seu Conventicularum vulgo-de liberi
Muratori, seu des Francs-Maçons-sub pœna excommunicationis ipso facto
incurrendæ, ejus absolutione, excepto mortis articulo, Summo ...

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

Datum Romæ apud Sanctam Mariam Majorem sub Annulo Piscat. die 28. Aprilis 1738. Pontificatus Nostri Anno VIII.

nanda, & prohibenda esse statuimus, & decrevimus, prout præfenti nostra perpetuo valitura Constitutione damnamus, & prohibemus.

CCXXIX.

Condemnatio Societatis, seu Conventicularum vulgo -- de liberi Muratori, aut des Francs Massons -- sub pena excommunicationis ipso facto incurrendæ, ejus absolutione, excepto mortis articulo, Summo Pontifici reservata.

§. 3. Quocirca omnibus, & singulis Christianis fidelibus cujuscumque status, gradus, conditionis, ordinis, dignitatis, & præminentia, five laicis, vel Clericis tam Sæcularibus quam Regularibus, etiam specificæ, & individua mentione, & expressione dignis districtè, & in virtute sanctæ obedientiæ præcipimus, ne quis sub quovis prætextu, aut quæsito colore audeat, vel præsumat prædictas Societates, de liberi Muratori, seu Francs Massons, aut alias nuncupatas inire, vel propagare, confovere, ac in suis ædibus, seu Domibus, vel alibi receptare, atque occultare, iis adscribi, aggregari, aut interesse, vel potestatem, seu commoditatem facere, ut alicubi convocentur; iisdem aliquid ministrare, five alias consilium, auxilium, vel favorem palam, aut in occulto, directè, vel indirectè per se, vel alios quoquo modo præstare, nec non alios hortari, inducere, provocare, aut suadere, ut hujusmodi Societatibus adscribantur, annumerentur, seu intersint, vel ipsas quomodolibet juvent, ac foveant, sed omnino ab iisdem Societatibus, Cætibus, Conventibus, Collectionibus, Aggregationibus, seu Conventiculis prorsus abstinere se debeant, sub pena excommunicationis per omnes, ut supra contrascentes ipso facto absque ulla declaratione incurrenda, a qua nemo per quemquam nisi per nos, seu Romanum Pontificem pro tempore existentem, præterquam in articulo mortis constitutus, absolutionis beneficium valeat obtinere.

Se iis aggregare, dilatare, auxilium quodcumque præstare cavet sub pena excommunicationis.

CLEMENS EPISCOPUS

Servus Servorum Dei. Universis Christianis fidelibus salutem, & Apostolicam Benedictionem.

Proœmium.

IN eminenti Apostolatus specula, meritis licet imparibus, divina disponente clementia, constituti juxta creditum nobis pastoralis providentiæ debitum jugi, quantum ex alto conceditur, sollicitudinis studio iis intendimus, per quæ erroribus, vitiiisque aditu intercluso, Orthodoxa Religio potissimum servetur integritas, atque ab universo Catholico Orbe difficillimis hæc temporibus perturbationum pericula propellantur.

Conventicula, de quibus in Rubrica a Principibus Sæcularibus interdicta.

§. 1. Sane vel ipso rumore publico nunciante, Nobis innotuit longe, lateque progredi, atque in dies invalescere nonnullas Societates, Cætus, Conventus, Collectiones, Aggregationes, seu Conventiculas, vulgo de liberi Muratori, seu Francs Massons, aut alia quavis nomenclatura pro idiomatum varietates nuncupata, in quibuscunque Religio, & Sectæ homines affectata quadam contenti honestatis naturalis specie, artio æque, ac impervio federe secundum leges, & statuta sibi condita invicem consociantur; quæque simul clam operantur, tum districto iurjurando ad Sacra Biblia interposito, tum gravium pœnarum exaggeratione inviolabili silentio obtegere adstringuntur. Verum cum ea sit sceleris natura, ut se ipsum prodant, & clamorem edat sui indicem. Hinc Societates, seu Conventicula prædicta vehementem adeo Fidelium mentibus suspicionem ingesserunt, ut iisdem aggregationibus nomen dare apud prudentes, & probos idem omnino sit, ac pravitatis, & perverisionis notam incurere; nisi enim male agerent, tanto nequaquam odio lucem haberent. Qui quidem rumor eo usque percrebuit, ut in plurimis Regionibus memoratæ Societates per sæculi Potestates tanquam Regnorum securitati adversantes proscripæt, ac provide eliminatæ jampridem extiterint.

Easdem damnat, prohibetque Pontifex.

§. 2. Nos itaque animo evolentes gravissima damna, quæ ut plurimum ex hujusmodi Societatibus, seu Conventiculis nedum temporalis Reipublicæ tranquillitati, verum etiam spirituali animarum salutis inferuntur, atque idecirco tum Civilibus, tum Canonicis minime cohærere Sanctionibus, cum divino eloquio doceamur, die noctuque more servi fidelis, & prudentis Dominicæ Familiæ præpositi vigilandum esse, ne hujusmodi hominum genus veluti fures Domum perfodiant; atque instar Vulpium vineam demoliri nitantur, ne videlicet simplicium corda pervertant, atque innoxios sagittent in occultis, ad latissimam, quæ iniquitatibus impune patrandis inde aperiri posset, viam obstruendam aliisque de justis, ac rationabilibus, causis nobis notis; easdem Societates, Cætus, Conventus, Collectiones, Aggregationes, seu Conventiculas, de liberi Muratori, seu Francs Massons, aut alio quocumque nomine appellata; de nonnullorum Venerabilium Fratrum Nostrorum Sanctæ Romanæ Ecclesiæ Cardinalium Consilio, ac etiam motu proprio, & ex certa scientia, ac matura deliberatione nostris, deque Apostolicæ potestatis plenitudine dam-

§. 4. Volumus insuper, & mandamus, ut tam Episcopi, & Prælati Superiores, alique locorum Ordinarii, sub hæreticæ pravitatis ubique locorum deputati Inquisitores adversus Transgressores cujuscumque sint status, gradus, conditionis, ordinis, dignitatis, vel præminentia procedant, & inquirent, eosque tanquam de hæresi vehementer suspectos condignis pœnis puniant, atque coerçant; iis enim, & eorum cuiuslibet contra eosdem Transgressores procedendi, & inquirendi, ac condignis pœnis coercendi, & puniendi, invocato etiam ad hoc si opus fuerit, brachii sæcularis auxilio, liberam facultatem tribuimus, & impartimur.

Transgressores puniendi Episcopis, & contra hæreticam pravitatem Inquisitoribus dat potestatem.

§. 5. Volumus autem, ut earumdem præsentium transumptis etiam impressis manu alicujus Notarii publici subscriptis, & sigillo personæ in dignitate Ecclesiastica constitutæ munitis, eadem fides prorsus adhibeatur, quæ ipsis Originalibus literis adhibetur, si forent exhibitæ, vel ostensæ.

Fidem transumptis addit.

§. 6. Nulli ergo omnino hominum liceat hanc paginam nostræ declarationis, damnationis, mandati, prohibitionis, & interdictiois infringere, vel ei ausu temerario contraire; Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Clausula pœnales.

Datum Romæ apud S. Mariam Majorem Anno Incarnationis Dominicæ millesimo septingentesimo trigésimo octavo, Quarto Kal. Maii, Pontificatus nostri Anno Octavo.

Dat. die 28. Aprilis 1738. An. VIII.

A. Card. Prodatarius.
Vifa de Curia.
N. Antonellus.
I. B. Eugenius.